

interfax-ը հաղորդում է

# Այսպիսով Մուրախիբովը Պաշտպանում է միութենական Պայմանագիրը

Ադրբեջանի պրեզիդենտ եւ հանրապետության կոմկուսի կենտրոնական կոմիտեի առաջին քարտուղար Այսպիսով Մուրախիբովը հայտարարել է, որ անհրեժեշտ է պահպանել ադրբեջանական ինքնիշխան հանրապետությունը նոր Միության սահմաններում: Նա իր այս տեսակետը արտահայտեց Ադրբեջանի Գերագույն խորհրդի նիստում:

Խոսելով կենտրոնի եւ հանրապետությունների միջեւ լիազորությունների բաժանման մասին, Ա. Մուրախիբովը նշեց, որ իր կարծիքով գտնվել է այդ խնդրի ճիշտ լուծումը, քանի որ սկզբից որոշված է, թե ինչպիսի լիազորություններով են օժտում Միությանը պայմանագրի մասնակիցները, իսկ հետո ինչպիսի լիազորություններ է իրագործում Միությունը հանրապետությունների հետ միասին:

Կարևոր քայլեր են ձեռնարկվել նաև արտաքին գործերի բնագավառում: Նախատեսվում է, որ միութենական հանրապետությունները իրավունք կունենան Միության արտաքին գործերի նախարարության հետ մեկտեղ՝ դիվանագիտական հարաբերություններ հաստատել ուրիշ երկրների հետ, հիմնել դեսպանատներ:

## ԼՂԻՄ-Ի ԳՈՐԾԿՈՍՆԵՐԻ ՂԵԿԱՎԱՐՆԵՐԻ ՀԱՅՏԱՐԱՐՈՒԹՅՈՒՆԸ ՀԱՆՐԱԶՎԵ ԱՆՑ-ԿԱՅՆԵԼՈՒ ԱՆՀԱՐԻՆՈՒԹՅԱՆ ՄԱՍԻՆ

ԼՂԻՄ-ի մարզային, շրջանային ու քաղաքային 6 խորհուրդներից 5-ի նախագահները հայտարարել են, թե մարտի 17-ի հանրաքվեն Լեռնային Ղարաբաղի տարածքի վրա խափանվում է: Մարտի 12-ին ընդունված որոշման մեջ դա հիմնավորվում է

այն բանով, որ միութենական մարմինները չեն վճռել ինքնավար մարզի իշխանությունների սահմանադրական լիազորությունները ճանաչելու հարցը:

Հայտարարության հեղինակները գտնում են, որ Խ. Միությունը պահպանելու հարցով ԼՂԻՄ-ի բնակչության կարծիքին անդրադառնալ կարելի է միայն մարզի խորհրդային իշխանությունների լիազորությունները ճանաչելուց հետո:

Հայտարարության տակ չկա առավելապես ադրբեջանցիներով բնակեցված Շուշիի շրջանի գործկոմի նախագահի ստորագրությունը:

## ՆԱԽԻՉԵՒԱՆԸ ԲՈՂՈՋՈՒՄ Է ՄԻՈՒԹԵՆԱԿԱՆ ՀԱՆՐԱԶՎԵԻ ՂԵՍ

**Մարտի 11.** - Նախիջևանի ինքնավար հանրապետության միջնակարգ դպրոցների մի քանի հազար ուսուցիչներ միտինգ անցկացրեցին ինքնավար հանրապետության Գերագույն մեջլիսի շենքի առաջ ի պաշտպանություն իրենց սոցիալական եւ տնտեսական պահանջների: Միտինգը ավելի ուշ վերածվեց համաքաղաքայինի: Մասնակիցները պահանջում էին հրավիրել Նախիջևանի ինքնավար հանրապետության Գերագույն մեջլիսի արտահերթ գումարում, ուր պետք է չեղյալ հայտարարվի մարտի 17-ին հանրաքվե անցկացնելու մասին Ադրբեջանի հանրապետության օրենքը:

**Մարտի 12.** - Նախիջևանում հայտարարվեց մարտի 14-ին ինքնավար հանրապետության Գերագույն մեջլիս հրավիրելու որոշումը: